

A SPAĞĠHIATA

(Finale 12.1.95)

Per il groppo folclorico “ Amastra ”

Recitato:e ogn'ura e ogni munentu, salaratu u SS. Sacramentu.
e tunnu ppi tunnu tuocchicci u funnu e si funnu nu
nni tuocchi pagghia nu-nni fai.....

E-cchi-ffui beđđa ssa utata! E-vviva Ddiu e a-Mma-
culata! E-Mmaculatu sia lu-nnuòmu ri-Ggesù,
Ggiuseppi e-Mmaria!.....
A pàğğhja è fatta e lu santu furmientu: salaratu lu
Santissimu Saramientu!

Canta lu jađđu e spunta lu sulì,
si va n campagna cu i scecchi e-cchi muli;
jèmmitu e-ggregna, cù faucigghjuni,
si meti a spica pi-ffari u cuvuni.

Ora u lauri è-ttuttu nfasciatu,
n ta l'ària, rù mulu, vèni pistatu;
viva Sam-Marcu chi-sciùscia lu vientu
cu la trarenti si spagghia u furmientu.

A-TTÙMMINU, A-TTÙMMINU, ST'ANNATA,
PÛ SULI E LA SANTA MMACULATA;
U SURURI RI LA FRUNTI S'ÂSCIUCAU;
U RULURI RI LI RINI GGIA' PASSAU.....

A-TTÙMMINU, A-TTÙMMINU ITTAU,
LU PANI NTA LA CASA M'ARRIVAU;
U MULU, U SURGI E U SCECCU SU-PPRIATI
E A CRAPA CU LI RIÈNTI CARIATI.

Nzaccannu a visazza, ri stu furmientu,
viaggi nni fanu puru secientu;
a pagghja ncarcata intra u ritùni
è u sceccu cù mulu chi si la mpuni.

Lu granu chi-vveni, pui, macinatu
cu-ll'acqua e-ccu i pusa veni mpastatu;
rù furnu nesci ggìa ncastagnatu,
u pani, pi st'annu, è assicuratu.

L.Vranca